


# Bibel fa Kjinja brinj't junt

## Paulus opp Reisen



Jeschräwen von: Edward Hughes  
Jemolt von: Janie Forest  
Toom Pauss jestalt von: Ruth Klassen  
Alastair Paterson  
Äwasat von: Ed Zacharias  
Häjestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.

Paulus un Silas, Jesus siene Deena,  
wieren em Jefenkjinis. Nä, see  
hauden nuscht orrajcht jedonen;  
see hauden eene Fru von äaren  
Woasaja-jeist looss jemoakt. De  
Lied en Filipe deenden Jetzen, un  
Paulus un Silas hauden an de  
Krauft von dän waarhauttjen  
Gott un sien Sän Jesus jewäsen.

Doafää  
wieren  
see  
faust-jenomen,  
vewipt un  
enjestopt worden.






Eena haud veleicht jeyleeft daut Paulus un Silas wudden doll un betta sennen. Oba see wieren nich. Nä, bie Meddanacht sauten see opp, un sungen Leeda toom Gott danken. Aule Jefangne un de Oppsechta hieeden daut.

3

Oba plazlich hieed daut sinjen opp. Gott leet daut Jefenkjnis von een Ieed-bäben veschedren. Nu stunden aule Däaren op. De Jefangne äare Kjäden wieren looss-jescheddat.



4




Oh, oh! De Oppsechta wia sikj secha daut de Jefangne aula wudden wajch-jerant sennen, un daut hee sea strenj bestroft woaren wudd. Hee wull sikj aul met sien ieejnet Schwieet doot moaken.

5

Oba Paulus roopt, "Doo die nuscht. Wie sent aula hia." Dan kjeem de Oppsechta un säd, "Leewe Haren, waut mott ekj doonen, daut ekj seelich woa?" Dan säden see, "Jleew aun dän Harn Jesus Christus, dan woascht du un diene Famielje seelich." Hee naum daut met Freid aun.



6



Paulus un Silas worden dän näakjsten Dach frie-jeloten, un see reiden no väl aundre Städa un vetalden dee Lied von Jesus. Eenje jleewden aun Jesus; aundre wullen an moaken opphieren. Oba Gott help an. Eenmol räd Paulus fa een poa Stund. Een junga Maun saut bie een opnet Fensta un schleep en. Un waut passieed?


7




See hoowen am doot opp. Oba Paulus jinkj un foot am om un säd, "Siene Seel es noch en am." See brochten dän jungen Maun läwendich nohus, un aule freiden sikj.

8

Paulus un Silas hadden völ Erfoarungen opp ääre Reisen en Europa. Eene besondere Erfoarunk passieed aus hee en een Schepp wia. Daut wieren nich groote Schöp fa dusent Menschen, oba Säajel-boots, dee em Wint völ Trubbel hadden.




9



Paulus wia faust-jenomen worden, un wia opp daut Schepp toom ver däm Kjeisa ver Jerecht komen. De Kjeisa wia en Room, de Haupt-staut. Daut Schepp kjeem schlaecht verwoats wäjjen däm Wint, un doa wia Utsecht fa een Storm. Daut wia nich eene scheene Reis fa Paulus ooda de Scheppmana.


10

Paulus woarnd an, "Mana, ekj see daut et opp dise Foat völ Lieden jäwen woa." De Schepphar horcht nich no am un reisd wieda. Aus de Storm schlemm wort bungen see Strenj rom daut Schepp, daut et nich zwei-bräkjen sull. Wan daut Schepp unja-jinkj wudden see aula vedrinkjen.



11

Daut Schepp haud soo völ Trubbel daut de Schepphar aulem aunstald toom daut Schepp leichta moaken. Aum dredden Dach schmeeten see daut Jereetschoft daut to daut Schepp jehieed rut.



12

Dan oba enne Nacht stunt bie Paulus een Enjel un säd am daut aules wudd goot utkomen. See kjreejen aula een bät mea Moot aus Paulus säd, "Vezoacht nich. Ekj jleew Gott woa daut soo fieren aus hee säd. Oba wie waren aun eene Insel launden."



13

Een poa Doag lota kjeem daut Schepp no de Insel Malta, un doa troff daut een Saunt-rigjen un bruaek twei. De Schepphar säd dee waut schwamen kunnen sullen daut ieeschte seenen no Launt to komen. De äwaje hilden sikj aun Bräda ooda Stekja vom Schepp un kjeemen aula nom Launt.



14

Opp de Insel Malta weess Gott siene Krauft. Biem Fia-moaken, beet Paulus eene jeftje Schlang. De Lied jleewden hee wudd stoawen, oba am wort nuscht. Dan dochten see Paulus wia een Gott. Doa kjeemen uk väle Kranke un Gott heeld an nodäm daut Paulus fa an bäd.




15

Met de Tiet kjeem Paulus no Room. Daut neem twee Joa bat hee ver Jerecht kjeem. En dee Tiet haud Paulus een Hus un väl Jast. Hee räd to aule von Gott sien Rikj un däm Harn Jesus Christus. Paulus deend Gott en Room, krakjt soo aus opp siene andre Reisen.



16

"Ekj hab dän gooden Kaumf jekjamft, ekj hab bat aum Enj utjehoolen, ekj hab Gloowen jehoolen," schreef Paulus von Room. De Bibel sajcht nich woo Paulus storf, oba andre Norechten sajen daut de Kjeisa Nero leet am doot moaken. Gauns bat daut Enj von sien Läwen vetald Paulus emma wada andre von Jesus Christus.



17

### Paulus opp Reisen

Eene Jeschicht von en daut Wuat Gottes, de Bibel

finjt eena en

Aposteljeschicht 16, 27, 28

"Wan dien Wuat openboat woat, jeft daut Licht." Psalm 119:130

18

Daut Enj

59



60 19

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20